

Laugarren Karlistada

RAMON LABAIEN



KILOMETROAK

gaur Donostiako Ulia mendian. Ikastola diren ikastolak berriro Herri honen kemenak astintzen. Euskaldun jendearenak eta beraien seme-alabak euskaldun izatea nahi duten hainbertze herri-tarrenak, azken finean, bata eta besteak kasta bereberetako izanik. Batasun eguna, beti nolabait lortzen dena, kulturaren alorretan eta puskatzen zaiguna edo apurtzen duguna, politikaren korapiloetan sartzen geran bakoitzean.

Argi dago Madrileko jendean artean, gauzak konpontzen hasiak direla. Batak eta besteak ikusten dutelako une honetan jokoan dabilena Espainiak gaur duen Estatu motaren irautea dela eta ez alderdi honen eta haren giderdun izaita. Doazen pausoen ez dutelako non agindurik izanen. Konponduko dira, emanen diote zentzu berri bat GAL eta CESID eta Intxaurrendori, moztuko dituzte pisu gabeko, diru zikinean ibili direnen zenbait buru eta kitto.

Etika aparte, ez zaio ikusten zentzurik Aldaia jauna zuloan izateari edo gure kaleetan bizi ditugun istiluei edo gure bizkar-hezur ditugun enpresariak ETaren zigorra edota Ertzaintzaren aukeratu beharrean edukitzeari. Horrela, norabait bagaoz, desastrera da. Benetan erabaki behar dena, nolakoa izanen den Eusko parte hartzea Estatuaren erabaki zentruetan litzake. Euskal Herriari dagozkion egiazko erabakiak hartzen diren zentruetan. Nahi edo ez, Estatu honetan partaide gara eta borroka Madrilen irabazten dira. Tinko ba denok hemen eta tingo Madrilen. Ez dezagun laugarren Karlistadatik hasi, ez gaitzen, laugarren aldiz, zanpatuak izan.

Asier Gaztañazpi 'Kanpa'

JOXE MARI OSTOLAZA



«**EARRA** montatu ek Kanpa». Ez omen hintzen iristen. Ez omen huen neurria ematen. Minimoa eskatzen ziaten, eta hik, ematen ez. Ez zentimetrotan, ez kilotan.

Eta hor ibili haiz nahi bezala, lotsagabeki, hire atzekaldea, hire popa, eta lagunuen bizkar horiak errukirik gabe erakusten, beste enbarkazioetako patroiei. Orain lemazaina esan behar omen dik. Igual dik. Aspaldiko partez, aurretik ibili haizela alegia. Eta nabarmenki. Bainan nabarmendu nabarmendu, Kontxako bigarren estropadan egin haiz. Hor bai, alazankoa!!! Osea ke, txandarrak, zapatilak, urak... eta nik etzekiat zer hire lagunuen esanetan sartu, eta Iturgaiz —gaitz iturri ote?— baino gehiago berrepikatu haiz telebistan. Eta dosen ere bai, orain berrikitan azaltzen den Alonsotegi kalbo betaurradun berri batek aurkeztua. Hi, ilegala. Hire tripulazioa, tranposoa. Eta jefia berriz, ziaro zerriya. Ortzaka haundiaren iloba, hi. Bai, lastrea omen huen sartutakoa. Gaiakarga alegia. Eta batean eta dosean, dale ta dale. Hi, azkenerako kasik kontrabandoa ikusi gabe ere, sinisten duk begiratu hutsez. Beno, baino Kontxakoaz, ez ditek txintik atera. Ez batek eta ez dosek. Inork ez omen dik irudi bat, trabeska aukesea, ikusi. Hi, eta Onarabazal edo zaraustar hori ez huan isildu ere egin «hemen ez dago harrokeririk» eta, esanez, baino pankartarenaz mutu. Hi, hoyena garbi zegok. Hoyek zuek hola ikusita, pasooo... Beldurra, edo, auskalo!!! Eta ni enteratu nauk, jakin diat, multarena esan dutelako, bestela deke... Hori bai lastrea hoyentzat, ezin eramana. Karga izugarria. Nik ueste nian hori ya, superatuta zegoala. Hi, Anoetakoa hor zegok eta inork ez zio inori multarik jarri... Hi, holako koadrila ikusita sinistu ere egiten bait duk «espetzeak apurtu» hori posible dela, gainera jakinik Kortak heltzen ziola..., zeren Korta laguntzat etzekiat, baina etsaitzat... malo!!! Hi, Kanpa, hagoen lekutik esaiok koadrilako norbaiti, bideo, argazki edo, bidaltzeko kostala kosta, informazioa jatorra geroz eta gehiago kostatzen zaidak bilatzea eta.

«Earra montatu ek Kanpa».

EL MUNDO

ENAM ez da dena berdina

Beregana ditzaten beste bi tanto pesimismorako joera dutenek. Joan den asteazkenean HBk paso egin zuen politika orokorrari buruzko saio parlamentariotik. Ostegunean, ehundaka militante batzuen batzarrean, erabaki zuen «Euskadiren askatasunaren aldeko» kontzentrazioak Aldaiaren askatasuna eskatzen dutenen lekuan aurriz aurre egiten segitzea.

Ez gauza batek ez besteak ez lituzke harritu behar arretaz segitu dutenak koalizioaren azken hilabeteotako joera. 'Oidartzen' txostenaren hasierako

erredakzioak erakundeen «dinamika politiko-administrati-boari» jarraitzearen okerraz ohartarazteaz gain, exigitzen zuen partehartze instituzionala aurrera eramateko «gainontzeko borrokekin batera». Parlamentuko ausentzia lehenengoaren ondorioa da —Karmelo Landak argi eta garbi esan zuen—, eta «lazo azulekoen» gaineko presioa, bigarrenengoarena.

Baina ez da dena berdina ENAMen barruan. HB sistemaren deslegitimazioko trintxeran eta marko juridikoa aldatzen ez den bitartean ez dago-ezer-egiterikoan ezkututzen den bitartean, LABek Gobernu eta patronalarekin sinatu du formazio iraunkorraren gestioari buruzko akordioa, Lanaren Banaketari Buruzko Konferentzian parte hartuko du po-



Gertatzen ari den guztia arreta desbideratzeko azpijokoa da, benetan inporta duenaz ardura ez gaitzen. Eta hori futbola da.
EL ROTO / DIARIO 16

nentzia baten bidez, eta Kontseilu Ekonomiko eta Sozialean dago. HBk politika egiteko kontzeptuarekin herri honek galtzen duena LABek sindika-

lismoa egiteko egiten dituen ahaleginekin berdintzen dela pentsatu nahi dut. Optimista jaio naizelako izango da.

MARIANO FERRER

ZUZENDARIARI

'Kilometroak 95', noren jaia?

Nahiz eta beste zerbait sinestu nahi erazi Jai handi honen helburua ez da bakarrik Euskarak behar duen bultzada eta hizkuntz nazional bezala berreskuratzea. «Honekin guztiok ados gaude» Kilometroak 95eko dokumentuak argi eta garbi azaltzen duen bezala helburua zera da: Jai honetan biltzen den diru ikastetxe hauetan Bigarren Hezkuntza ezartzeko erabiliko da, horrela Zurriola eta Herri Ametsa izango zirelarik inguru honetan D ereduan 12-16 urtetako tramua eskaintzeko gai izango liratekeen bakarrak.

Azken finean helburua legezkoa da, baina kasu konkretu honetan dihoia inguruko ikastetxeetako nahien eta interesen aurka eta horregatik ezin dugu salatu gabe utzi.

Kontutan hartu behar dugun lehenengo gauza zera da: bi ikastetxe hauek EAEko beste ikastetxe pribatuaren arabera derrigorrezko bigarren hezkuntzaren ezarpena lortuz gero, Hezkuntza Sailetik % 100 laguntza lortuko luketela. Hau dela eta non geditzen da diru hori lortzeko beharra?

Kilometroak 95 nagusiki eta bakarrik Euskararen aldeko jai bat izanez gero, ez zen logikoagoa izango jaia euskalduntze mailan ahalegin handiak egiten ari diren

ikastetxe guztien artean antolatzea?

Eskola Mapa definitzeke dagoen honetan, inguruko Ikastetxe Publikoetako beharrik kontutan hartu gabe, bi ikastetxe hauek bere aldetik diseinatzeko eskubidea hartzen dute. Beraiek badakite Eskola Mapa lantzeak estamentu diferenteetatik igarotzea suposatzen duela eta horien artean zona honetako Eskola Komunitatea osatzen duten sektore guztiak ordezkatzuta egongo liratekeen Bilguneko Eskola Kontseilua. Prozesu honen hasieran gaudenean proiektu hau ezartzeko eskubidea hartzen dute, ez bakarrik orain duten ikaslegoari erantzutearren baizik orain zonaldean D ereduaren Er-tainetako Ikastetxe Publikoetako ikaslegoa bereganatu nahian.

Baina hori bai, jaia jai denez kontutan hartzekoa da, eta era horretan txalotzekoa, noski! Horrez gain jende askoren eskuhartzea, ongi pasatzeko baldin bada ez dago arazorik, baina herri honetako gizakien borondate ona ezin da erabili helburu 'konkretu' batzuk moztortzeko.

GIPUZKOAKO STEE-EILAS
SINDIKATUKO LIBERATUOK

Donostia

Euskara=Ikastola (Edo Euskara ergo Ikastola)

Inoren festa zapuzteko asmorik gabe, Kilometroak 95en bezperetan zenbait go-goeta adierazi nahi genuke:

Nabaria da, azken hamar urte hauetan euskarak ikastetxe publikoetan izan duen garapena eta sustatzea ere. Horren lekuko eta gure ingurura hurbilduz, Gros-Ulia zonaldean, nola OHoko hala Ertainetako ikasketak euskaraz soilik burutzeko aukera mordo bat dago, eta, jakina, hurrengo ikasturtetik aurrera DBH ikasketak ere. Kilometroak dela eta, harridura handia sor arazi digu antolatzaileen aldetik izan den ahaztura guk bizi dugun errealitatea estaliz. Zergatik jabetu dira zonaldeko euskararen ordezkariak eskuliboa, DBHko ikastetxe berri bat nahitanahiezkoa dela adieraziz euskararen izenean, gure esistentzia ezkutatzu?

Oharra: Festa bikaina irten dadila, horretarako eta dirua biltzeko ere dagoen eskubide osoz, baina helburuak eta arrazoiak argi utziz, norberari berez dagokiona onartuz.

JOSE ANGEL AYUCAR

FELIPE RAMOS

(eta Gros-Uliako zonaldeko ikastetxe batzuetako beste 3 zuzendari)

Donostia

GAIA JARRITA



Kilometroak

Musutruk hainbat lagun konprometzu finez, proiektu handi bati gogotik ekinez. Ez da erraza baina denon ahaleginez, jarraitu behar dugu aurrerantza zinez, euskararen bidea guztiok eginez.

ARKAITZ GOIKOETXEA

Egunkaria

Batzorde Parekidea: 72564 E / Lege Gordailua: SS 800/90
ISSN 1134-640X



OJDk IKUSKATUTAKO HEDAPENA

Administrazio Kontseiluko Lehendakaria: MARTIN UGALDE

Kontseilu Editorialeko Zuzendaria: JOAN MARI TORREALDAI

Kontseilari Ordezkarria: INAKI URÍA

Zuzendaria: MARTXELU OTAMENDI

Gerentea: FERNANDO FURUNDARENA

Publizitatea: MARI JOSE SARASA

HELBIDEAK

Egoitza nagusia: Gudarien etorbidea, z/g / 20140 Andoain
☎ 300 222 / Erredakzio faxa: 300 255 / Publizitateko faxa: 300 707

Arabara: San Antonio, 20-1. ezker. / 01005 Gasteiz / ☎ 23 38 72 / Faxa: 23 38 73
☎ Publizitatea: 13 19 65

Nafarroara: Iratxe Monastegia, 45-13. esk. / (Irrintzi dorrea) / 31011 Iruñea
☎ 17 80 78/79 / Faxa: 17 80 77 / ☎ Publizitatea: 17 66 86

Bizkaia: Zabalburu Enparantza, 2-1. ezker. / 48003 Bilbo
☎ 410 40 46 / Faxa: 410 37 15 / ☎ Publizitate Orokorra: 410 38 55
Publizitate Lokala: 410 38 46

Lapurd / Nafarroa Beherea / Zuberoa: Pannecau 14, 1/503 Posta
kuxatila, / 64100 Baiona / ☎ 59 59 35 75 / Faxa: 59 25 75 11